

AUGUSTIS PARENTIBUS
DELPHINO ET DELPHINÆ
GRATULATIO,

HABITA

IN REGIO LUDOVICI MAGNI COLLEGIO,
SOCIETATIS JESU.

Die Mercurii vigesimâ-quartâ mensis Novembris, an. Domini 1751.

à JOANNE-BAPTISTA GEOFFROY, ejusdem
Societatis Sacerdore.



PARISIIS,

Ex Typographiâ THIBOUST, REGIS Typographi,
in Plateâ Cameracensi.


M. DCCCL.

CUM PERMISSU ET APPROBATIONE.

THE
OFFICE OF THE
SECRETARY OF THE
NAVY

YOU ARE REQUESTED TO
FURNISH THE FOLLOWING

INFORMATION TO THE
NAVY DEPARTMENT



AUGUSTIS PARENTIBUS
DELPHINO ET DELPHINÆ
GRATULATIO.



ELICITATIS REGIÆ ac publicæ
pignore in lucem feliciter edito, quæ po-
terat res jucundissima contingere ; illam
demum paucis abhinc elapsis diebus hæc
sibi gratulata est Civitas ; EXCELLENTIS-
SIME SEDIS APOSTOLICÆ NUNCIE , ILLUSTRISSIMI
ECCLESIE PRINCIPES , PRÆSIDES ILLUSTRISSIMI,
AMPLISSIMI SENATORES, CÆTERIQUE OMNIUM OR-
DINUM AUDITORES ORNATISSIMI. Habuerat nostra,
quod summa omnis habere solet lætitia , quæ , quò vi-
vidiùs accensa est , eò citiùs non frigescit quidem aut ex-

tinguitur, sed remittit se aliquantulum, elanguet sensim, & usu ipso defervescit. Excitanda rursus hæc fuit Augustorum Conjugum aspectu, omnem ut recuperaret, quam solam amiserat alacritatem, & felicitas quædam esse debuit nova, felicitatis Authores intueri.

Regiam Urbem subiere Regales Hospites; quali autem consilio? Religionis pleno, quod jusserat pietas, non ambitio suaserat, Deo præstituri obsequia, non recepturi à populis: quali apparatu? nobili at modesto, quem adornaverat dignitas ad reverentiam, non ad imperium superbia descripserat; exiguo comitatu hominum, virtutum maximo. Primarium Urbis templum ingressi, permansere antè aras diù; quali habitu? demisso & inclinato, quem juberet Majestas æterna, humana deberet; ex quo intelligeretur Cœli Deus, Dii Terræ non agnoscerentur.

Neque tamen quibus subducere se voluerant, carere honoribus omninò potuerunt; ad vias regalibus vestigiis consignandas properavit Plebs videndi cupidissima, ut videri dignissimos intueretur. Et verò intuita est, cum admiratione summâ quam summis virtutibus Par augustum Conjugum promeretur; cum effusâ fortè minùs in clamores & plausus quia minùs jam novâ, sed æquè vividâ studiis & affectibus lætitiâ, quam toti Regno fecit totius in Regni spem editus Puer. Faustissimi ejus natales, jam antè quidem, inter genialis apparatus ac pompæ, quâ splendidior nunquam fuit, spectacula in his ædibus celebrati sunt! Festis flammæ ordinibus stellati fulsere parietes;

vocum atque fidium concentibus emota resonuere | recta ;
 suos augusto Infanti Poësis ingeniosa modos iteravit ac
 numeros, suas * Eloquentia præceps & accurata deproperavit
 opes & blanditias, suum Artes omnes ac Musæ pendere
 vectigal elegantiarum ; suum Virtutes ac Religio vectigal
 votorum ; suum mentes & animi vectigal affectuum ; variis
 Amor idem sese ubique exeruit ludis, probavit operibus,
 monumentis consignavit.

Tot postquam conticuere voces, vocem quoque meam
 ut proferrem, cum altè defixus animo publicæ felicitatis
 sensus ; tum lætitiæ propriæ alacritas, & privata quædam
 Patriæ ratio me impulit, natum in eâ videlicet Provinciâ,
 quæ augusto Puella nomen cum posuerit, sui civis glo-
 riantem nomine Oratorem, sua inter gaudia mutum esse
 diutius haud spontè pateretur. His excitatus studiis meis,
 alienisque ductus exemplis, ire demum ad Regales cunas
 non verebor ; atque in his decumbentia cum Puella uno
 non unius Regni fata contemplatus, Augustis Conjugibus
 gratulabor impertitum ab eis munus,

Quod ad Regiæ Familiæ felicitatem deerat unum ;
 Quod unum satis est ad felicitatem totius Imperii.

Quæ duo, bipartitâ oratione, dum evolvenda suscipio,
 peto illud à vobis, Auditores, ut indulgentiam quâ in-
 digeo, felicitati, quam gratulor, parem concedatis.

* Oratoris Collega SERENISSIMI BURGUNDIÆ DUCIS ortum recentem
 Oratione publicâ celebraverat.



P R I M A P A R S.

CONJUGUM nomen quibus Hymenæus fecit, nomen Parentum si faciat edita in lucem proles mascula; habetur ejus ortus inter hæc eventa, quibus familiarum fors omnis continetur. Alia soboles recipitur cum gaudio quidem, sed anxio ac sollicito, quod non tam enata ex præsentis munere lætitia, quàm injecta spes alterius excitat. Auroram dixeris, cujus est rutilare, fulgere non est; præcurrere diem, non spargere; morari intuitus suavitate lucis, non adimplere ubertate luminis; solem adpromittere, sed suum ab hujus accessu sideris splendorem mutuari, neque illud nisi per sua quodammodo munera nunciare.

Quæ solem inter populos exorientem, eadem propè nascentem in Principe Familiâ hæredem lætitia excipit. Convertuntur ad illum Gentis totius studia, in quo totius Gentis fata posita esse intelliguntur. Exultat Pater ad aspectum Filii, à quo consequitur, non solum ut sit Pater, sed ut esse non nisi admodum serò desinat. Intendenti oculos in ætates venturas evolvit se Nepotum series, quæ illas nominis sui celebritate consignet singulas, & omnes ipsâ ejus perennitate quâdam adimpleat. Videt stirpem suam hoc rursus sæcundatam surculo, dividere se in propagines

varias, germinare in fructus innumeros, perque tot sæculorum orbes ire à Parente diffusam, per quot ad Parentem deducta est. Gentis antiquæ hæredem se propè oblitus, se quasi novæ caput intuetur, cujus authorem à semetipso alterum habet in filio; & quâ die suscepit hæredem, æternitatis cujusdam conjecturam capit. Arridet Puello Mater, & proprii, quod sibi Hymenæus abstulit, nominis jacturam, assertâ per suum hunc partum Conjugis nomini diuturnitate pensatam abundè ac redemptam existimat.

Habet hæc lætitia locum, etiam ubi locus fortunæ nullus est: positus in conditione humili & angustâ Civis, tenuitatis suæ, sui que infortunii obliviscitur, statim atque sibi hæredem gratulari potest; & nascente filio, miseriarum sensum spontè abjicit, cui sæpè miseriarum cumulus est, quòd nascatur filius.

Quod si hæredem sibi non deesse tanti ducunt hi etiam quibus vix quidquam hæreditatis est, quanti erat illo ut non careret augustissima toto terrarum Orbe Familia, quæ quidquid commendationis affert antiquitas, quidquid admirationis habet celebritas, quæcumque jura dominatûs amplitudo colligit, quoscumque titulos meritorum copia complectitur; illud omne ab elapsis ætatibus intactum recepit, adauctum transmisit sequentibus, & Majorum laudibus inchoatum Nepotum virtutibus cumulavit.

Antiquitatem dico splendoris: cedo enim Familiam hac ipsâ pluribus ætatibus nobilitatam; quæ duodecim jam indè à sæculis exorsa, esse vix incepit priùs quàm regnaret,

regnare non destitit ex quo incepit esse ; quæ enixa semper , numquam exhausta , penè tot Heroum mater fuit quot Principum ; & postquam Parentes habuisset quos à Nepotibus adæquandos esse non crederet , Nepotes peperit quos ipsis Parentibus invidendos esse fateretur. Visæ sunt Stirpes aliæ Regales titubare cum foliis quibus inhærebant : hæc stetit. Adulteratæ propagine degeneri livorem duxere & squallorem : hæc floruit. Debilitatæ ramorum multitudine & inimicitia emarcuere aliquandò & defecere ; hæc pullulavit. Viduatæ fœtu adoptivos furculos recepere ; hæc dedit. At , puto , in hanc , ut in alias , non sæviit vis tempestatum ? imò atrociùs : inclinatæ sunt , hæc firmata. Ad hanc , veluti ad reliquas , ferrum atque ignem non admovit inimicus furor ? Imò propiùs : resectæ sunt , & ambugatæ , intacta hæc & inoffensa. Contrà illam , sicuti contrà cæteras , non structæ sunt arcanæ molitiones ? imò insidiosius : cecidere , permansit. Permansit autem non alienâ ope , sed vi propriâ ; non inflectendo seipsam , & cedendo ventis , sed illorum frangendo impetus ; non damno aliquot partium , sed cum singularum incremento ; ut cùm detonarent procellosi spiritus , cùm rutilarent tempestatum ignes , cùm Orbis conjuratus in hanc omnis rueret , staret hæc una in orbe omni , vigeret , germinaret , radice permearet terram , floreret vertice & dominaretur.

Celebritatem dico gloriæ : cedo ullum laudis genus quod illi defuerit : quaquà patet Orbis , nomen ejus Fama subve-
xit præconiis , Victoria insignivit triumphis , subacta In-

vidia coluit obsequiis , Barbaries emollita fovit studiis , Gloria Heroum nominibus adjunxit , Religio Sanctorum fastis inscripsit ; ut Gens eadem terris ac cœlo donata ; decorum excelsitate superaverit id quod humanum est , facinorum magnitudine adæquaverit id quod heroicum est , Imperii majestate collegerit id quod regium est ; id etiam quod divinum est virtutum immensitate attigerit.

Dominatûs dico amplitudinem : cedo Gentem ullam cui aliæ plures obsecutæ sint ? Reges ab illâ procreatos sibi gratulata est Hispania ; ab illâ oriundos Italia & Sicilia venerantur ; ab illâ Cæsares accepit Germania , Regio plurima Principes , Europa omnis Arbitros ; Galliam fortunat legibus , Americam permeavit navibus , Asiam tremefecit armis , Orbem utrumque junxit commerciis ; Reges dedit ubi non regnavit ; reverentiam obtinuit ubi non exercuit Imperium ; subditos firmè habet ubicumquè homines Natura ; ut quod de Romanâ Gente dictum est dici de illâ debeat , *nil nisi BORBONIUM quod tueatur* , habere ; & quocumquè spectet , seipsam sibi esse ad spectaculum.

Titulorum dico multitudinem : facessant verò illa ostentationis plena & invidiæ nomina , quæ suis aliquot heroibus ad perennem rerum ab ipsis gestarum commendationem imponebat Roma , ut quæ hæredum pravitate descivissent in Republicâ Familiæ , Majorum revocatâ famâ se quodmodo repararent , essetque Avorum gloriosa recordatio appellatus ab illorum cognomento Nepos etiam ab illorum virtute degener Qui mos si apud

nos vigeret , opinor , cognomentis ejusmodi careret BORBONIA GENS? Cui suam appellationem pacata vel domita Germania, suam subacta toties Batavia, suam victa non semel Anglia, suam Europa sæpius composita, suam Plaga omnis vel lustrata victoriis, vel beneficiis devincta imponeret? Harum verò appellationum in locum, nomen posuit Sanctitas verendum, cælo, nomen Justitia horrendum fraudibus, nomen Magnanimitas timendum hostibus, nomen Amor ipse adorandum populis; ut omnis Virtus suum toties appellatum audiat, quoties BORBONIUM appellatur.

Jam quæro à vobis, Auditores, num in hac ætate nostrâ pristini aliquid splendoris deperditum fuerit? in qua videlicet tantum accessit novi, ut Gens æqualis usque sibi & idcirco adæquanda nulli, quantum commendationis ab Avis recepit, tantum refundere in Nepotes valeat.

Vidistis, Atavi, solium, cui natum hæredem gratulamur, ita verendum Religione, ita innixum æquitate, ita propter sapientiam celebratum, ut ab illo, veluti ab Olympo, in subiecta Errorum ac Vitiorum monstra fulmen sæpè detonaret; ut ad illud, quasi ad Tribunal publicum, revocarentur non semel & componerentur Regnantum jurgia; ut de illo, tanquàm de Adytis, ad Populos oracula dicerentur. At nos præterea vidimus circa idem solium, quidquid bellicæ laudis est congestum à Victoriâ, quidquid regiæ dignitatis est collectum à Majestate, quidquid humani decoris est à Potentiâ ipsâ defixum: intentam in illud

illud expectatione & admiratione Europam, & in quod arma infesta moverat, ab illo pacis emolumenta referentem.

Vidistis Galliam his impetitam odiis quæ Livor accenderet, his laceffitam armis quæ acueret Furor, his demùm ultam cladibus quas uterque mereretur, & ex quibus neuter, nisi serò, resipisceret. Illud nos etiam; at præterea Victoriâ vidimus dicti olim BORBONIDIS Sacramenti tam religiosè memorem, ut nobis simul inter Alpium nives & saxa lauros procrearet, simul inter Eridani ac Tiberis undas Lilia defigeret, simul inter Scaldis ac Rheni fluentia Signa nostra ostentaret; passim vocatis ad certamen adesset passim ad triumphos; neque se vel desiderari absentem, vel morantem increpari pateretur.

Vidistis Reges pacem elargientes Gentibus, sed attritis & domitis; tuncque tantùm abstinentes à vincendo, cùm propè nihil occurreret quod vinceretur. Illud nos non equidem; sed Regem ipsum vidimus, ipsum, Auditores, Regem in acie medium, militiæ rudimenta auspicantem à triumphis, ruentem in pugnas cum eâ audaciâ, quæ milites non minùs quàm hostes terreret; eâ deindè utentem clementiâ quæ hostes non minùs quàm milites reficeret; bellorum nulla declinantem pericula, victoriarum nihil retinentem pacifica præter arbitria; illa verò sic exercentem, ut penè magis profuerit Æmulis vinci, quàm sibimetipsi vincere; atque Europæ innotesceret, quàm fuisset ejus victor invitus, qui se illi vel invitæ pacatorem dabat.

Jam verò in hac tot bonorum congerie, quid Regali

Familiæ ad felicitatem desiderandum videbatur ! Aliquid hac felicitate majus, Auditores ; & quo deficiente ipsa verteretur in infortunium ; hæres nempè qui hanc reciperet integram, & perennem faceret. Deeras, Auguste Infans, & quanti esset quòd deeras, indicaverunt satis fausta illa murmura, quibus ad primos vagitus tuos undequaque responsatum est. Spondâ ex auratâ hiantes ocellos dùm deducis per tot Insignia quæ nondùm intelligis, sed cum alacritate ex quâ jam intelligeris, arridet, credo equidem, Spectatori ad omne laudum genus nato, conflatum ex omni illarum genere spectaculum. Insonat auribus tuis nomen geminum, Paternum quod facis, Regale ad quod nasceris, & in utroque hoc nomine quidquid famæ ac virtutis est, auditur te, de te audiendum aliquando. Proh ! Quàm non eâdem sorte ac Avus tuus vitam auspicaris ! Orbem ille non ingressus est, nisi per suæ propè totius Gentis funera ; tu in summâ illius felicitate, felicitatis novum pignus atque vinculum nasceris. Paterno & avito feretro innixa ejus cunabula, funereis frondibus operta sunt, & atratis fasciis revincti artus pueriles ; avita inter & paterna trophæa cunæ positæ sunt tibi, lauris virentibus lactea frons redimita est, & ipsâ Victoriæ manu ductæ tenella per membra rutilantes vittæ ; ille Patre priùs orbatus quàm sciret sibi esse Patrem, hunc vixisse audit ante quàm seipsum vivere intelligeret ; Patrem tu dulcè renidentem visu jam salutare incipis & agnoscere. Avus cinctum umbris feralibus caput collabentis inter Domûs Augustæ ruinas ægrè protulit, & in ipsâ mortis ubique

obviæ imagine multiplici vitam exorsus est ; tu regnantis inter Domûs conspicua passim Insignia frontem exeris luce purâ circumfusam , & vitale solis lumen non citiùs , quàm triumphale Gentis decus percipis.

Gratulare tibi , LUDOVICE , quod natus sit , qui solio quod occupas obrepat Infans regius , scepro quod tenes obludat tractator mollis , nomen quod veretur Europa recipiat hæres non degener , Populi votis assuescat æmulator beneficus , spes quas jam facit sponsor verax adimplere citò incipiat. Gratulare hunc natum eo tempore , in quo gloriæ fastigium assecutus , optandum nihil habebas præter hæredem novum , & interpositâ breviorâ optatum obtines. Quis tibi sensus , cum renunciatum est de fortunato partu , qui expectationem tuam præcurreret , celeritate quæ fidem superabat , & concessâ quam expe-tebas prole cumlaret ? num detinuit * locorum distantia ? Quæ brevis erat quidem , sed quæ ad læta eunti maxima cum videri deberet , ita in minimam contracta est advo-lantis alacritate , ut vix abfuisse crederent , qui adventan-tem cernebant. Num deterruit noctis fæditas ? Noctem dico ! quæ novello fidere illustrata , visa est diæ liquidissi-mo purior ? Num curruum aptandorum cura retardavit ? Ut in eum , qui obvius erat , insiluisti præceps ! ut ad pueriles cunas properantem secuti sunt Proceres cum eo ardore , penè dixi , cum eo impetu , quo triumphales ad

* Tunc cum nasceretur Serenissimus Burgundiæ Dux , Erat Rex , non procul tamen , in aliâ domo Regiâ.

pugnâs sequi solebant ! ut obliti conditionis suæ , tuæ felicitatis memores , famulorum locum certatim occupavere ad rhedam , & Principi ire dedignanti regaliter , propè serviliter adesse gloriati sunt ! Ut Populi aurata per laquearia strepentis ac tumultuantis undam , eâ quidem circumfusus humanitate quæ tibi omnium devincit animos , sed eâ subvectus , quæ animum tuum impleverat , lætitiâ transisti statim , videns propè neminem , visus propè à nemine ! Ut accurrenti obviam DELPHINO ne brevis quidem osculi moram elargitus , properasti ad Puelli cunas , & sic Avum te ostendisti , ut Patrem penè non ostenderes ! Ut in Infante spectando parùm moratus , recurristi ad Pòpulum , quasi ferendæ tantæ lætitiæ non sufficeres , nisi tuæ in partem venirent , qui suæ sub pondere propè laborabant ; vel potiùs ut tibi hæredem alterum gratulantibus , illis ipse gratulareris patrem alterum ; neque felicem te , Nepote nascente , profitereris ; nisi quia nascebatur felicitatis assertor publicæ .

Sed Regem an ità omnis invasit lætitia , pars ut ejus nulla delibandam se daret Regina , quæ & ipsa fecilitatis nostræ pars est optima ! Ah ! mihi si liceret verendæ Animæ sensus scrutari intimos ! ut spontè vobis illam exhiberem , ut vos illam spontè intueremini , affusam antè aras , quibus advolvitur sæpius quàm folio insidet ; vota emittentem Deo , non prò se , quæ summam illorum attingit , sed pro SERENISSIMA DELPHINÂ cujus felicitati studet maximè , inhæret amanter , maternè invigilat ! videretis illam , audito , qui feliciter obvenerat partu ,

demittentem sese nudâ in humum fronte , toto sulam corpore , grates agentem supremo Numini , quòd Proles edita esset sine labore & periculo , deinde quòd mascula pro spe & expectatione Gentis ; mox properantem ad Puerum cum eâ gaudiorum quasi impotentiâ , ex quâ matrem iterùm hanc factam esse judicaretis ; à Puerò ad aras reversam statim , & sic orantem cum Plebe , ut non nisi ex pietate Reginam agnosceretis.

Te verò, SERENISSIME DELPHINE, itane primo vix audito regalis Pueri vagitu excitatum & raptum , his propè laborasse effusis Gaudiis , quæ te obvium sisterent singulis , distraherent à teipso ; tui copiam facerent omnibus , tui curam vix relinquerent tibi ? Ità profectò ; & decuit in Parente Populi altero , non esse privatæ lætitiæ modum , quo tempore publica nascebatur. Decuit te dignitatis oblitum , naturæ conscium , in his non immorari quæ referrent Principem , stare in his quæ Patrem indicarent ; decuit tui te fermè nescium videri in hac alacritate primâ , quæ sui compotem esse nostrum propè neminem passa est : gratulare tibi , quòd ter Genitor jam sis in eâ ætate factus , in quâ vix aliquis Principum semel est in Europâ. Obsequia quæ impendis Filius , ut dulce erit repensâ tibi à Filio recipere : colliges apud illum penè Rex , quidquid exolvis Regi : Imperium vereris subditus , exercebis Pater ; & quod à te natura atque conditio reposcunt , illud omne utraque tibi vendicat.

Te autem , Mater Faustissima , num præterire pars ali-

qua debuit hujus lætitiæ , quam ipsa omnem faciebas : Prædicent alii decora innumera , quæ retulisti à Gente adeò illorum feraci & divite, ut tria jam Solia his adornaverit, neque suo quidquam ornamenti detraxerit. Laudare ament hanc suavitatem morum cum dignitate conjunctam , hanc festivitatem ingenii cum maturitate sociatam , hanc vitæ totius rationem , Charitum æquè ac Virtutum deductam filo , devinctam nexu , locupletatam consortio , quâ factum est, ut ad demerendos Gallorum animos, satis fuerit quòd animum ipsa tuum indicares. Gratulentur tibi quòd Regum Filia sis & Nurus , quòd Regii Principis Conjux, quòd his nominibus dignissima : ego quòd suaviùs arrideat gratulabor , factam te Regalis Matrem Pueri. Flos hic Liligeræ Stirpi tuo partu additus, proh ! quantum venustatis tuo ab aspectu ducet ! quo illum studio paternum ad decorem, avitum ad decus finges sedula ! quâ cautione Flosculum subduces procellis, quibus infici nitor ingenuus & temerari posset ! quâ cavebis curâ , ne vel tenella Stirps titubet malè inclinata, vel Apex ante diem exspatiatus temerè fluctuet ! ... Ut verò sine ullâ instituentis offensione vitam exacturus videtur Puer, qui hanc sine ullo parientis labore auspicatus est. Fruere hâc sorte tuâ & nostrâ, atque assertam per te Regiæ Familiæ felicitatem ; imò & felicitatem totius Gentis cumulatam tibi gratulare ; quòd alterum dùm paulò brevius prosequor , quæso vos , Auditores, ut quæ orationi adimetur, addatur favori amplitudo.



S E C U N D A P A R S.

QUEMADMODUM homini cuique, ità cuique Populo suus inest affectus primarius ac præpotens, qui inditus à Naturâ dominatur ipsi Naturæ; à quo reliquæ propensiones ortum, vim studia, mores colorem ducunt, & quidquid boni ac mali est in Societate vel Imperio, tanquàm à fonte uberrimo dimanat ac defluit. Homines alios ad summa impellit Ambitio, facinorum nobilium æque ac turpium mater & Heroas Orbi vel Prædones suscitât. Alios in suâ mediocri conditione retinet Modestia, laboris parens ac desidiæ, & Cives dat Patriæ vel adimit. Diversis diversa est, sua cuique hominum regina Propensio, virtutum magistra & vitiorum; atque illis Societatis adornatæ laudem, vel deturpatæ crimen affingit.

Gentibus pariter decus aut ignominiam, damnum aut emolumentum affert sua indoles propria; & aliis temeritatis notam cum audaciæ famâ, aliis inertix labem cum prudentiæ laude, singulis singulare quoddam dedecoris aut gloriæ genus promeretur. Gentem Gallicam commendat suus in Reges amor, præceps idem & constans, summè obsequens, summè liber, & in maximâ eventuum dissimilitudine sui semper maximè similis: hic Gallo affectus imperat; hæret in illo Gens, quæ in aliis pluribus vix immoratur.

Felicem sanè! cui in tantâ serie Regum , quos dispar indoles sua dispari affectu dignos faceret , pauci admodum reperti sint quos diligeret minùs , nullus quem odisset , plerique quos adeò non metueret amare nimis , ut ne illos satis quidem amari posse crederet.

Facit hic amor ut Regibus nostris quidquid pro votis , vel adversùs illa contingit ; ad gaudium aut ad luctum tota Gens hoc statim arripiat ; ut à Solio in Urbes diffundat se mœror aut lætitia Principis : populare habeatur , quodcumque Regium est ; & Unius fors sit omnium fortuna. Hinc adeò cum ostenderim quanti esset Regiæ familiæ , hæres ut ipsi nasceretur ; in antecessum probasse me arbitror , quanti Gens ducat sibi quod natus sit. Atque hoc primum est felicitatis Gallicæ pignus , Regia felicitas.

Et verò si quid procellarum reddita Pax ab Europâ non fugaverat , removit primo novelli sideris aspectu serenatus dies. Suâ quidem fortitudine providit LUDOVICUS nemo ut illum laceßere audeat , suâ providit clementiâ , nemo ut velit : sed acerba est in Æmulis cladium recordatio , importuna est in Victis beneficiorum memoria ; & quamvis metuendi passim , imò fortè quia passim metuendi , carere non poteramus anxietate aliquâ , ne si quando successûs hætenûs negati spes illis affulgeret , bella instaurare vellent cò vividius , quòd posse impunè arbitrarentur.

Verùm agite , si qui estis quos arma iterùm infelicitèr movere non piget ; natus est , qui hæres avitæ fortitudinis

dinis esse vos cogat avitæ clementiæ memores ; & ad spretam legem beneficiorum , victoriarum jure metuendo revocet vindex non degener. Atque hoc alterum est felicitatis nostræ pignus , asserta contra hostes externos solii firmitas.

Verendum non erat ne potestas Regni è BORBONIA GENTE in alienam transiret ; etenim quid infelicius posset contingere Galliæ , quàm si , quâ è familia Principes educi vidit , qui peregrina vocarentur ad sceptrâ , in illâ jam non videret esse , cui sceptrum ipsa suum committeret ? Aderat DELPHINUS , & in illo quidem series Avorum amplissima suis conspicua virtutibus ; aderat , natus ad imperium præter cæteros , sed ad mortem velut cæteri : & id circò timebamus magis , ne plurima quæ in illo demiramur suæ Gentis Augustæ decora , cum hoc uno Nepotes nostri desiderarent. Absit ille jam & omnis alius timor : multiplici Capite stat fortuna Gallica , & stabit pluribus , quæ horum similia si fuerint , futuras ætates tam certò habemus ad felicitatem , quàm & præsentem habuimus & præteritas.

Non deerant in GENTE BORBONIDUM manus aliæ tractando ipsorum sceptro habiles , imò & pares sustinendo : quo enim tempore plures ex illâ natos Principes stare propè solium vidit Gallia , quos etiam solio digniores judicaret ; ut si deficiente , quem hæreditatis lex nobis præposuit , Rege , Rex alter suffragiorum consensione statuendus esset , sola obstaret meritorum copia & æqualitas ; atque hinc quisque illorum

maximè eligendus probaretur, quod illorum nemo præ cæteris posset eligi. Illi autem commissam hæreditatem eò certius tuerentur, quòd prole aucti masculâ, suum sibi hæredem propè singuli gratulantur. In hac hæredum ac meritorum multitudine tolleretur omnis profectò successionis abrumpendæ timor * at ne minimam quidem hac super anxietatem natus Regi Nepos esse patitur; & omnes dissensionum nebulas Anima hæc una removet. Tertium hoc felicitatis Gallicæ pignus est, Imperii contra domesticos motus stabilita tranquillitas.

Sensere illud Serenissimi Principes, propriaque obliti, sua Regnanti Stirpi gratulati sunt incrementa; lætati sunt Hæredem natum folio, à quo tamen magis, illo nascente, submovebantur. Civilem alacritatem suâ ipsi gestierunt alacritate præcurrere; nec se Principes arbitrati sunt, nisi ut Populis exemplum darent, & hoc quod dedere Populis exemplo se maximè BORBONTIOS probavere. Quorum ego decora & obsequia dum intueor, effingitur animo quædam horti species, qui stratus terfo & facili gramine, distinctus floribus subjectas per areas diffusis, suosque per gradus proprios crescentibus, superbit præsertim gramen & flores super eminente Lilio; astat ipsi Lilium alterum, prognatum ab illo, jam Parenti simile, jam alterius Parens; florent circum alia quoque Lilia, Surculorum progenies ipsimet Stirpi non inficianda; & suo quæque gradu cognatum ac regale ambiunt. Dominatur illud, & omni horto, quaquâ patet, diffunditur cum majestate; extendunt se illa, &

areas plures foliorum umbrâ , propè regaliter exspatiente protegunt ; sed ita tamen , ut , quæ à Plebe florum collegerint obsequia , ad regale Liliū referant , venerentur in illo quod sublimius est ; exprimant quod germanum est ; quod magnum & optimum æmulentur.

Accedit ad hæc felicitatis ab Infante Regio nunciata pignora , quod ejusdem juventus Avo & Patre tutoribus exigenda sit , Avo , inquam , virilem ac maturam ætatem non adeò pridem affecuto ; Patre juveniles annos jam dudum egresso , si consiliū robur spectes ; si temporis rationem habeas , ingresso nuperrimè. Docebit ille stare in solio , & hoc occupando illustrare cū se tempus dabit ; hic astare ad solium , & hoc tuendo promereri , quandiū jubebit conditio. Ita illum finget Avus , ut sit deindè nulli Regum secundus ; ita illum finget Pater , ut subditorum primum se gerat : discet ab altero sic leges dare , ut Principum nemo gloriōsius imperet ; edocebitur ab altero sic leges vereri , ut Civium nemo religiosius obsequatur. Stabit novellum Sidus duo inter Sidera , & ab utroque splendorem accipiet ; à Majore vividum & effusum absque radiorum dispendio ; temperatum in Minore , & ad crescentis vires quasi laboratum ; ut rutilare primum incipiat in vitæ quasi crepusculo , lucem deinde spargere aliquam in progressu , donec toto lumine totum quoque Orbem adimpleat.

Suas adjiciet præceptiones Mater sereni ssima ; & quæ Fratri Principi duorum Populorum in spem jam adulto , à Rege Patre audivit iterari præcepta , ingeminabit sæpius

suisque ipsa confirmabit exemplis; ipsa, inquam, Mater; quæ in ætatis summè vividæ, in conditionis summè imperiosæ, in potestatis summè fastidiosæ gradu altissimo constituta, juventutis nihil præter elegantiam, dignitatis nihil præter nobilitatem, nihil authoritatis exhibet præter beneficentiam. Exhibet verò ita omnem, ita omnibus, ut neque quisquam sibi ab illâ deesse officium quo indiget, neque in officio quod recipit deesse aliquid conqueratur. Ab illâ ediscet Puer, ad hos descendere facilè, quos sua tenuitas non patitur ad ipsum assurgere; ita tamen descendere, ut affabilitate dum placebit, non vilescat familiaritate; exigere pauca & veluti rogando; jubere parcè & quasi obsequendo; arguere parùm & tanquam laudando; jura sua moderando extendere, novumque authoritati pondus ab ipsâ facilitate obsequii comparare; ita denique gerere seipsum, ut meminerint omnes hunc imperare, sed hoc imperante servire se nemo sentiat.

His imbutus moribus qualis informabitur Princeps; cum Majestatis, Humanitatis, & Elegantix vocibus, suam Pietas ipsa, id est, Avia augustissima vocem addiderit. Ah! quoties Regales inter ulnas acquiescēt Infans amabilis, & hospitali gremio pretiosum pondus inhærebit! quoties humentes rore tenui ocellos exsiccat manu officiosâ; & inter vagitus pueriles hæc iterabit oracula, quæ natum inter risus, crescentem inter ludos, edoceant inter virtutes adolescere. Atque hoc novissimum est felicitatis nostræ pignus, ad illam perficiendam instituendus Puer.

Pignus dico venturæ felicitatis ! cujus jam inchoatæ passim monumenta extruunt in Templis sociales *Dexteræ, Sacramenti nexu colligant fœderatæ Animæ, Religio pronuba inscribit Altaribus; dotata Egestas infert domibus, Regalis Pietas nobilitat imperiis, Prætoriana Munificentia amplificat donis, Civilis Lætitia consignat epulis, juvenilis Alacritas circumducit choreis, Voluntas memor infigit animis, fausta Fœcunditas transmittet ætatibus. Quantæ verò illud pietatis fuit, quàm dignum Christianissimo Rege & optimo sumptus ad lætitiâ utilitatis expertem designari solitos, vertere in utilitatem plenam lætitiæ; alteram ita sociare cum alterâ, ut quod placet Civibus idem sit quod prodest Imperio; & ex ipsis gaudiis educantur fœnora.

Accendantur, esto quidem, ignes tremuli ac desultorii; stellivomo de fomite fursùm evolent cum strepitu rutilantes flammæ; novumque Gallicis in plagis exortum sidus sidera innnumera cœlestes per tractus ludentia nuncient. At faces alias meliores accendit nascens Puer, quas ipso altarium igne Religio imbuat & consecrat.... ite ergo, ite, non, ut fiebat olim, coronatæ vittis funebribus flebiles Victimæ; sed fortunati & fasciis regalibus redimiti Conjuges. Capita non ferali cultro, sed sociali jugo supponite: manus protendite, non ad vincula, sed ad fœdera. At cogitate simul suscipiendos ex his fœderibus Liberos, hinc maximè deberi ad felicitatem publi-

* Sumptus ad ludos solemnes designati, jubente Rege, dati sunt in dotem egenis sexcentis virginibus; & impensis publicis celebratæ sunt totâ in urbe illarum nuptiæ.

cam, quòd erunt illius pars veluti primaria : non aliud quidem Principi, quàm quod pendimus, exsolvent, & ipsi exsolvetis obsequium ; sed effusius propter accepta munera, arctius propter inita consortia, perennius propter mansura ejus monumenta. Quo vos ille sociavit simul hæretis illi nexu, & quod in ipsius ortu dicitis ad invicem, ipsius imperio vos Sacramentum mancipat.

Te verò, Infans auguste, quo jam nomine compellabimus?... Quod de Octaviæ filio Poetarum Princeps dixerat, Principum optimo Abavo tuo, ingeniosus olim, & Romani saporis retinens * Orator, ascripsit in ejus natalibus, TU MARCELLUS ERIS. Principi similem in spem edito, cur ego illud, cur illo melius nomen ascribere dubitem!...

TU LODOVICUS ERIS Tualter ab his Regibus re ac nomine Christianissimis, qui Ecclesiam secuti ut Ducem, venerati ut Magistrum, tutati ut Matrem, defendere illam suis viribus, promovere illam suis officiis, suis illam virtutibus illustrare, præcipientis cultores, impetitare patroni, lacerata vindices accerrimi. Ad Te, ut ad illos, Sedes Apostolica eos mittet Legatos atque Nuncios, qui ejus dignitatem exhibeant sine fastu, ejus sanctitatem exprimant sine asperitate, atque, ut ille qui Cætum hunc nobilem præsentia illustrat suâ, utramque Gallicâ urbanitate & elegantia sic exornent, ut non tam Hospites in Galliam advehi, quàm in illâ nati Proceres videan-

* Josephus Juvencius è Societate Jesu.

tur. Eos præficies Populis Pastores , qui minùs nomine & dignitate gaudeant esse , quàm esse studeant religione & moribus Ecclesiæ Principes ; qui , quales hîc adsunt , Gregem suum tueantur officiis , subsidiis adjuvent , exemplis regant , tantò eloquentiores virtutum omnium Magistri , quantò propriis virtutibus commendatiores.

TU LODOICUS ERIS ... Tu alter ab his Regibus quibus suum ipsa nomen dedit Justitia ; & eos præpones judicandis Populis æstimatores rerum integerrimos , quales intueor , quorum inter manus inflexa bilanx , numquam nisi in Virtutis partes propendeat , districtus gladius numquam nisi in Vitiorum capita decidat ; qui ad rem publicam unicè attenti , de omnibus , præter quàm de seipsis benè mereri studeant , vivant aliis semper , suis rarò , vix unquàm sibi.

TU LODOICUS ERIS ... Tu alter ab Augustis Avo & Parente , & utroque Magistro discas , te natum Sceptro , non tenendo tantùm , sed etiam regendo ; Religionì non colendæ duntaxat , sed & protegendæ ; Populi obsequiis , non colligendis solùm , sed simul promerendis ; Regni non propagandis Provinciis sed viribus ; Europæ omni , non vincendæ solùm cùm se dabit necessitas , sed & pacandæ statim atque sese opportunitas dederit.

TU MARCELLUS ... Imò , TU LODOICUS ERIS ... Alter ab illo BURGUNDIÆ DUCE , qui Marcello heu ! nimium per cuncta similis , amplissimam virtutum seriem serie dierum brevissimâ complexus est ... OSTENDERUNT TERRIS HUNC TANTUM FATA ! ... At nos orabimus

Supremum Numen , & pro suâ in hoc Imperium miseratione maximâ , exorabimus , servet ut hunc diû , per quem , statim atque illum ostendit , Terris novus ordo factorum inductus est ; qui concessus Populo , Populum in illò sibi novum parat , & in suâ vix editus Gente , Gentis alterius est author.

Vive , Auguste Puer ; adsint tibi ludenti comites Ritus , crescenti consortes Gratia , adolescenti Magistræ Virtutes , Paternæ & avitæ dotes adulto ; vive , & nostra tecum vigeant , quæ tecum exorta sunt , gaudia : quot vota fecimus pro te , tot habemus in te jura ; reus es sacramento , quod diximus tibi. Vive in spem diuturnam , in potestatem seram , in Regiæ & Gallicæ Gentis felicitatem summam ; & qualem gratulamur nobis Puerum , talem te Nepotes Regem sibi gratulentur.

D I X I.



APPROBATION DU CENSEUR ROYAL.

J'AI lu par ordre de Monseigneur le Chancelier un Manuscrit intitulé , *Augustis Parentibus Delphino & Delphina Gratulatio* , & je n'y ai rien trouvé qui doive en empêcher l'impression.
A Paris , ce 14 Décembre 1751.

JAULT.